



UNIVERSITÄTS-
BIBLIOTHEK
PADERBORN

**Vitæ Sanctorum Sacris per singulos anni dies
Meditationibvs illustratæ**

Paderbornæ, 1697

S. Phocas M. 5. Martii.

[urn:nbn:de:hbz:466:1-62968](#)

2. Non mortale modò, sed & veniale peccatum, quālibet jacturā, vitare debemus, quia veniale peccatum displaceat Deo, ipsumq; offendit. Communis est Sanctorum sententia, interitum hujus mundi nihil esse ad veniale peccatum. An in eadem es sententia? Quot singulis diebus venialia committis peccata? Cave, leviores morbi ad graviores deducunt. Nullum unquam quantumlibet parvum peccatum consultò committas, monet enim S. Chrys: Ne illud parvum negligamus, quod cird negletum sit magnum.

3. Non sufficit peccato tūm veniali tūm mortali abstinere; quoad ejus fieri potest, resecare debes minima quæq; vitia, & ipsa Christi consilia sequi, exemplo sancti Casimiri, qui Evangelicum castitatis consilium vitæ suæ ant posuit. Quām longè abes ab observatione consiliorum, tu, qui vix mandatis obtemperas? Qui non facit, quod iusit Dominus, gratis sperat, quod promisit. Chrysol.

S. PHOCAS M.

5. Martii.

Qui parcè seminat, parcè ē metet, ē qui seminat de benedictionibus, de benedictionibus ē metet.

S. Paul. 2. ad Cor. cap 9.

SPHOCAS olitor erat, sed studiosius ac diligentius animam tuam, quām hor-

tum colebat: pro semine verbum Dei, pro floribus modestia & exterior comitas, pro fructibus ei erant omnia virtutum Christianarum, areæ, quæ sicut cinnamomum & balsamum aromatizans odorem suavitatis dederunt Deo; & fructus ejus dulces gutturi eorum, qui degustabant eos. Cùm Tyranus ex odore virtutū ejus cognovisset, cum esse Christianum; ad capiendum illum illico milites misit, quos PHOCAS quām potuit humanissimè ac lautissimè tum oleum ex horto, tum charitatls hospitalis dulci convivio excepit. Post prandium cùm ex eo milites sciscitarentur, num cognosceret olitorem PHOCAM? Ego sum, ait: illis autem tantâ viri humanitate jam cicuratis, nec violentas ei manus injicere, nec ligare volentibus, date (inquit) date vincula, nihil gratius mihi feceritis. Scivit nimirum Phocas etiam ligatis pro Christo manibus, libere ac fructuose coli posse animi nostri hortum. Ductus ad Præsidem, abscissione capitis Martyrium complevit, novus cælestis horti inquilinus, quem suo Sanguine
Mercatus est.

MEDIT.

Anima nostra est horto similis.

1. **Q**uisquis bonas fruges cupit percipere , eas ferat oportet; tum saepius & ferro eradicet, & igne comburat lolia , quæ ipso invito , nascuntur. Cupifne animam tuam fructus habere dignos, qui mensæ Patriæ Cœlestis apponantur ? Primum bonum semen sere in anima tua , audi tum exterrnum , tum internum Dei Verbum : deinde eradica pravas cupiditates, quæ in corde tuo præfocant cœlestis glorie semen . Nullus dabit fructus anima tua sine mortificatione. Nunc quidem durum tibi est, assiduis laboribus sterilem terram colere, eamque rigare lachrimis, & sudoribus tuis, sed planè jucundum erit tempore messis , id est mortis , laborum tuorum fructus colligere.

2. Largâ manu temen sparge , si messem velis copiosam, in sanctis operibus multus esto, ut multam mercedem recipias : effuso prolixoqué animo Deo largire, quidquid potes, plura semper mercedeatur; Labora, patere, dum vivis, nam parere possunt aeternitatem pauci dies. Eucher.

3. Olitor frustra suum horrum coleret, si celum imbræ, & astra benignos influxus denegarent, frustra pariter colis animam tuam , si careas humilitate, quâ nimirum obtinetur ros gratiæ cœlestis, sine quo rore sterilis est anima, sicut terra sine aqua Neque qui plantat, est aliquid. neque qui rigat, sed qui incremenatum das Deum. S. Paulus.

L

S. CO-